

CONVENIO DE COLABORACIÓN ENTRE A SECRETARÍA XERAL PARA O DEPORTE E A FEDERACIÓN DEPORTIVA GALEGA DE PIRAGÜISMO PARA LEVAR A CABO AS ACTIVIDADES DE MANTEMENTO, CONSERVACIÓN E FUNCIONAMENTO DO COMPLEXO NÁUTICO E CAMPO DE REGATAS DE VERDUCIDO-DAVID CAL (PONTEVEDRA)

En Santiago de Compostela, a 3 de xuño de 2016.

R E U N I D O S

O Sr. D. José Ramón Lete Lasa, Secretario Xeral para o Deporte da Xunta de Galicia, en uso das competencias desconcentradas nos Secretarios Xerais dependentes da Presidencia, en virtude da Disposición Adicional Segunda do Decreto 88/2013, do 30 de maio, de estrutura orgánica dos órganos superiores dependentes da Presidencia da Xunta de Galicia, modificado polo Decreto 60/2015, do 16 de abril.

O Sr. José Alfredo Bea García, Presidente da Federación Galega de Piragüismo, en nome e representación da mesma, en exercicio das facultades atribuídas ao efecto polos estatutos federativos

E X P O Ñ E N

I. Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva na materia da promoción do deporte (artigo 27.22), correspondendo á Secretaría Xeral para o Deporte as competencias de elaboración, proposta e execución da política do goberno galego en materia de deportes, conforme ao establecido no Decreto 88/2013, do 30 de maio, de estrutura orgánica dos órganos superiores e de dirección dependentes da Presidencia da Xunta de Galicia, modificado polo Decreto 60/2015, do 16 de abril.

No exercicio desta competencia, A Xunta de Galicia proxectou e executou a obra de construción do Complexo Náutico e Campo de Regatas de “David Cal” (Pontevedra), co obxectivo de destinarse á formación, preparación e especialización dos deportistas galegos da modalidade do piragüismo.

II. A Lei 3/2012, de 2 de abril, do deporte de Galicia regula no seu artigo 51.1 as federación deportivas galegas, configurándose estas coma entidades privadas sen ánimo de lucro con personalidade xurídica propia e plena capacidade de obrar, cuxo ámbito de actuación se estende á Comunidade Autónoma.

III. Segundo o establecido na Lei 3/2012, de 2 de abril, só se pode recoñecer unha federación deportiva por cada modalidade deportiva (art. 51.5), exercitando cada unha delas en réxime de exclusividade, ademais das funcións que son propias do seu ámbito privado, as funcións públicas delegadas no artigo 56.4 da norma, actuando neste caso como axentes colaboradores da Administración (art. 51.4).

IV. O Complexo Náutico e Campo de Regatas de Verducido-David Cal debe ser xestionado de tal xeito que garanta o seu máximo rendemento deportivo, a través da aplicación de acertados programas técnico-deportivos que abarquen desde a base ao alto rendemento, garantindo un contexto idóneo para o crecemento e desenvolvemento dos deportistas galegos a nivel deportivo, pedagóxico e social.

A esta prioridade cara a mellora da tecnificación e rendemento no piragüismo de Galicia, únese a necesidade de optimizar o centro cara á consecución de melloras similares en todas aquelas modalidades deportivas que poidan beneficiarse do uso destas instalacións polas súas características específicas e posibilidades que a mesma ofrece.

V. Neste marco das funcións federativas e da competencia de promoción da actividade deportiva encomendada á Secretaría Xeral para o Deporte, esta ditou a Resolución do 6 de setembro de 2010, pola que se concedía un permiso de ocupación temporal do Complexo Náutico e Campo de Regatas de Verducido-David Cal (Pontevedra) a favor da Federación Galega de Piragüismo, coa finalidade de que a Federación de Piragüismo desenvolva no complexo de Verducido os programas de iniciación, tecnificación, rendemento de alto nivel dos deportistas galegos desa modalidade deportiva co obxectivo de proxectalos á elite mundial.

A tal efecto, as partes subscriben o presente convenio que se suxeitará as seguintes

CLÁUSULAS

Primeira.- Obxecto do Convenio.

O obxecto do presente convenio é establecer as bases de colaboración entre a Secretaría Xeral para o Deporte e a Federación Galega de Piragüismo , aos efectos da articulación da concesión directa dunha subvención á citada Federación para a realización das actividades de mantemento e conservación do Complexo Náutico e Campo de Regatas de Verducido-David Cal (Pontevedra) así como os gastos de funcionamento destas instalacións, en base á cesión de uso outorgada pola Secretaría Xeral para o Deporte á citada Federación.

Segunda.- Réxime xurídico e titularidade das competencias

O presente convenio é de natureza administrativa e consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso - administrativa.

A súa normativa específica está constituída basicamente pola Lei 38/2003, de 17 de novembro, Xeneral de Subvencións e o seu Regulamento, aprobado por Real Decreto 887/2006, do 21 de xullo, nos seus preceptos declarados básicos, así como pola Lei 9/2007, do 13 de xuño, de Subvencións de Galicia e o Regulamento da mesma aprobado por Decreto 11/2009, do 8 de xaneiro.

Este convenio está suxeito ás obrigas de publicidade impostas polo artigo 15 da Lei 1/2016, de 18 de xaneiro, de transparencia e bo goberno (DOG núm. 30, de 15 de febreiro de 2016.)

Terceira.- Medios humanos e materiais

A Federación Galega de Piragüismo queda obrigada a aportar os medios humanos, materiais e técnicos, así como a loxística necesaria para o desenvolvemento das actividades que constitúen o obxecto deste convenio. Consecuentemente o persoal de federación que realice as actividades derivadas deste convenio , de carácter laboral ou administrativa coa Secretaría Xeral para o deporte.

Neste sentido, a Federación Galega de Piragüismo, exercerá respecto ao persoal ao seu cargo, os poderes de dirección e control. Do mesmo xeito, a citada entidade queda obrigada a cumprir, baixo a súa responsabilidade, as

disposicións vixentes en materia laboral de seguridade social e de seguridade e hixiene no traballo.

Cuarta.- Seguros

A Federación Galega de Piragüismo deberá subscribir unha póliza de seguro que cubra os danos que poida sufrir a instalación e o material que obre nela, así como unha póliza de responsabilidade civil que cubra os danos producidos polo desenvolvemento da actividade.

Quinta.- Sustentabilidade

A Federación Galega de Piragüismo velará por que a instalación sexa sostible desde o punto de vista económico social e medioambiental.

Económico: mantendo as esixencias e necesidades do colectivo de usuarios cunha redución no consumo dos recursos.

Social: fomentando unha concienciación social no uso e respecto dos recursos e materiais da instalación.

Medioambiental: utilizando, na medida do posible, sistemas capaces de cubrir as necesidades coa menor agresividade ao medio ambiente.

Sexta.- Comisión Técnica Mixta

Establécese unha Comisión Técnica Mixta, que estará composta por dous representantes da Secretaría Xeral para o deporte e dous representantes da Federación Galega de Piragüismo, que se reunirá tantas veces sexa necesario, para deliberar e acordar a coordinación das actuacións relacionadas coa finalidade perseguida coa firma do presente Convenio.

As discrepancias que, elevadas para súa resolución, non sexan resoltas a satisfacción da parte que a formule, serán sometidas ao coñecemento da xurisdición contencioso-administrativa. Non obstante, as incidencias que se poidan formular en relación coa concesión, xustificación e reintegro da presente subvención deberán resolverse polo Secretario Xeral como órgano competente para a concesión da subvención, de acordo co artigo 7 da Lei 9/2007, do 13 de xuño, de subvencións de Galicia e a disposición adicional 2ª do Decreto 88/2013, do 30 de maio, de estrutura orgánica dos órganos superiores dependentes da Presidencia da Xunta de Galicia.

Sétima.- Réxime económico e financeiro

7.1. Ao fin de cumprimentar o establecido na cláusula primeira, a Secretaría Xeral para o Deporte concede á Federación Galega de Piragüismo, unha

subvención por un importe total de cen mil euros (100.000,00 €), imputables á aplicación orzamentaria e anualidade que de seguido se identifican:

04.40.441A.481.0.

Anualidade 2016: 100.000 €

7.2. A presente subvención é compatible con outras subvencións e axudas, públicas ou privadas, que poida acadar a Federación para a realización das actuacións obxecto do presente convenio, sempre que a suma de tódalas subvencións e axudas non superen os gastos asumidos pola Federación con motivo de ditas actuacións obxecto da presente subvención.

A estes efectos, a Federación aportará, nos momentos da firma do presente convenio e da xustificación do segundo pago, sendas declaracións responsables das outras axudas solicitadas ou concedidas para a mesma finalidade (Anexo I).

Non obstante o anterior, non poderán ser obxecto desta subvención os gastos que estean subvencionados polo convenio suscrito no ano 2014 (con carácter plurianual para os anos 2014, 2015 e 2016) pola Federación Galega de Piragüismo e a Secretaría Xeral para o Deporte, para a realización do programa de promoción e desenvolvemento da súa modalidade deportiva e preparación do Programa Río 2016 (Xogos Olímpicos)

7.3. Conforme ao establecido no artigo 63 do decreto 11/2009, de 8 de xaneiro, o abono da presente subvención realizarase da seguinte forma:

a. Un primeiro pago, dun cincuenta por cento (50%) da contía total da subvención, tramitarase no momento da sinatura do convenio.

b. Un segundo pago, equivalente ao cincuenta por cento (50%) restante, librarase unha vez xustificado o primeiro anticipo, que se deberá realizar con data límite 30 de xullo de 2016.

O segundo pago xustificarse con data máxima o 30 de xaneiro de 2017.

7.4. Non se realizará ningún pagamento se non se cumpre o establecido na Lei 19/2013, de 9 de decembro, de transparencia, acceso á información pública e bo goberno e na Lei 1/2016, de transparencia e bo goberno.

Oitava.- Obrigas da Federación

8.1. Xunto ás obrigas legais que se deriven dos ámbitos materiais das subvencións, contratación e calquera outros que se lles sexan de aplicación, así como as demais obrigas establecidas no presente convenio, son obrigas da Federación o cumprimento dos termos do mesmo así como da normativa reguladora de subvencións, particularmente o establecido no artigo 11 da *Lei 9/2007 do 13 de xuño, de Subvencións de Galicia* -e artigos correspondentes do decreto 11/2009, do 08 de xaneiro-; en concreto:

- a. Con carácter previo á firma do convenio, é requisito indispensable a entrega da seguinte documentación:
 - Declaración responsable asinada polo presidente da federación de non atoparse incurso en ningunha das causas de prohibición para obter a condición de beneficiario recollidas no artigo 10 da lei 9/2007, do 13 de xuño, de subvencións de Galicia e demais normativas concordantes.
 - Declaración asinada polo presidente da federación de outras subvencións ou axudas para a mesma finalidade, procedentes de calquera outra administración ou de entes públicos, ou privados, nacionais, da UE, ou de organismos internacionais, tanto aprobadas ou concedidas como pendentes de resolución, segundo o modelo enviado previamente dende esta Secretaría Xeral (Anexo II). Esta declaración deberá entregarse de novo con cada una das xustificacións dos anticipos concedidos neste convenio.
 - Declaración de estar ao corrente das obrigas tributarias e da Seguridade Social e de non ter pendente de pagamento ningunha outra débeda coa Administración Pública da Comunidade Autónoma, (Anexo III).
 - Certificación da conta bancaria onde se efectuarán os pagamentos.
 - Código de Identificación Fiscal (CIF) da federación.
 - Certificación de estar cumprindo, así como manter durante todo o período de vixencia do convenio, o establecido na Lei 19/2013, de 9 de decembro, de transparencia, acceso á información pública e bo goberno, a través da inclusión da información na web federativa da totalidade de información segundo anexo VI reflectido neste convenio e que será enviado previamente dende esta Secretaría Xeral.

- Un Plan Director da Instalación onde se contemplan polo menos os seguintes contidos:
 - Persoal contratado, horario e funcións a desempeñar por cada un deles.
 - Características funcionais da instalación: Espazos, usos e normativas.
 - Inventario de material
 - Regulamento de réxime interno
 - Usuarios: colectivos de usuarios, rexistro e estatísticas
 - Programación anual
 - Orzamento anual (actividade de mantemento, conservación e funcionamento do complexo)
- b. Executar o obxecto do presente convenio.
- c. Facilitar toda a información que lle sexa requirida e someterse ás actuacións de comprobación a efectuar pola Secretaría Xeral para o Deporte así como facilitar toda a información que lle sexa requirida pola Intervención Xeral da Comunidade Autónoma, no exercicio das súas funcións de fiscalización e control do destino das subvencións. Así mesmo, e de acordo co previsto na Lei 6/1985, do 24 de xuño, do Consello de Contas de Galicia, a Federación queda sometida aos procedementos de fiscalización que leven a cabo o Consello de Contas de Galicia e, no seu caso, e segundo o previsto na Lei orgánica 2/1982, do 12 de maio, aos procedementos de enxuzamento contable que poida incoar o Tribunal de Contas, e a calquera outro órgano de control nacional ou europeo.
- d. Conservar os documentos xustificativos da aplicación dos fondos recibidos, incluídos os documentos electrónicos, ao efecto das actuacións de comprobación e control.
- e. Acreditar estar ao corrente do cumprimento das obrigas tributarias e fronte á Seguridade Social e de non ter pendente de pagamento ningunha outra débeda coa Administración Pública da Comunidade Autónoma, mediante declaración responsable a aportar no momento de subscripción do presente convenio, e elo conforme ao establecido no Anexo III.
- f. Comunicarlle ao órgano concedente a obtención doutras subvencións, axudas, ingresos ou recursos que financien as actividades subvencionadas polo presente convenio.
- g. Dispoñer dos libros e rexistros debidamente dilixenciados que establece o Art. 55 da Lei 3/2012 de 2 de abril, do Deporte de Galicia.

- h. Incluír a identidade corporativa da Secretaría Xeral para o Deporte en tódalas comunicacións, presenza publicitarias e medios de comunicación da Federación, incluíndo internet, así como nos eventos levados na instalación deportiva obxecto deste convenio.

8.2. Velar pola igualdade efectiva entre mulleres e homes así como cumprir o establecido na lei 197/2007 do 11 de xullo contra a violencia, o racismo, a xenofobia e a intolerancia no deporte.

8.3. Colaborar, fomentar e facilitar a participación no deporte das persoas con algunha discapacidade, tal e como se establece no artigo 51 da lei 3/2012 do Deporte de Galicia.

8.4. Velar polo cumprimento das normas fixadas polas autoridades en materia de prevención e loita contra a dopaxe no deporte.

8.5. Velar polo cumprimento das normas fixadas polas autoridades en materia de loita contra a violencia no deporte.

8.6. A utilización pola Federación Deportiva Galega de Piragüismo do Complexo Náutico e Campo de Regatas para o cumprimento do obxecto deste convenio non impedirá o uso das instalacións que poida autorizar a secretaria Xeral para o Deporte a entidades ou clubs deportivos.

8.7. Presentar, antes do 30 de xullo do 2016, á Secretaría Xeral para o Deporte, segundo o disposto na resolución do 23 de maio de 2011, da Secretaría Xeral para o Deporte, pola que se regulan determinados aspectos da contabilidade das asociacións deportivas, as contas anuais (balance de situación, conta de resultados e memoria económica) así como memoria descriptiva das actividades realizadas no exercicio económico 2015. Así mesmo, de resultar obrigada conforme o plan de Auditorías aprobado ao comezo do exercicio pola Secretaría Xeral para o Deporte, deberán presentar dito informe no prazo establecido.

Novena.- Xustificación da subvención

9.1. A xustificación da subvención farase nos prazos establecidos no parágrafo 8.3.b da cláusula 8ª do convenio.

De acordo co artigo 45 do Decreto 11/2009, de 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a Federación deberá presentar ante a Secretaría Xeral para o Deporte a xustificación do 1º e 2º pagamento nos prazos fixados no apartado anterior.

Transcorridos estes prazos sen presentar a xustificación correspondente nesta Secretaría Xeral para o Deporte, requirirase ao beneficiario para que no prazo improrrogable de dez días a presente. A falta de presentación de xustificación neste prazo levará a perda do dereito ao cobro total ou parcial da subvención, a esixencia de reintegro e demais responsabilidades establecidas na Lei de subvencións de Galicia

9.2. Para a xustificación da subvención, a Federación deberá aportar, unha relación clasificada da totalidade dos gastos realizados, no que figuren os acredores co seu NIF, os documentos xustificativos, os importes, a explicación do gasto detallado e datas de pagamento.

Esta relación acompañarase das facturas orixinais, ou fotocopias compulsadas das mesmas, con xustificación bancaria de que os pagamentos estean realizados cos requisitos esixidos no artigo 42.2 do regulamento de subvencións de Galicia. Para os efectos da súa consideración como subvencionable, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados, selados, e asinados polo beneficiario.

9.3. No caso de facturas que superen o importe de 9.000€, deberán achegarse al menos tres orzamentos de tres empresas diferentes e a xustificación da empresa elixida. Os orzamentos deberán solicitarse, estar datados, con data anterior a contratación pola federación.

9.4. Na xustificación de cada un dos pagamentos, xunto á relación clasificada de gastos e os documentos acreditativos dos gastos e pagos, a Federación entregará a seguinte documentación:

- a. Certificación da aprobación das facturas e demais documentos xustificativos, emitida polo Secretario da Federación co visto e prace do Presidente.
- b. Declaración doutras axudas (Anexo II)
- c. Declaración de estar ao corrente das obrigas tributarias e da seguridade Social (Anexo III)
- d. Certificado de veracidade dos datos presentados (Anexo IV)
- e. Certificación de cumprimento das normas de bo goberno (Anexo V)
- f. Memoria de actividades (parcial no primeiro pagamento e total no pagamento final).
- g. Memoria explicativa de cada un dos gastos presentados.

9.5 Ademais da documentación ata o de agora sinalada, para a xustificación do segundo e último anticipo deberá aportarse tamén:

Acreditación, nun apartado específico da xustificación, do cumprimento da aplicación pública da imaxe corporativa da Secretaría Xeral para o Deporte mediante a achega de documentos gráficos nos que conste a mesma.

9.6. A xustificación da subvención mediante gastos federativos consistentes en custes laborais, queda suxeita ás seguintes regras:

- a) Entenderase exclusivamente por custes laborais os consistentes nas remuneracións realizadas ao persoal de mantemento do centro, conserxería e limpeza e as súas correspondentes cotizacións obrigatorias á Seguridade Social e á Facenda Pública (I.R.P.F.).
- b) A xustificación dos custes laborais necesariamente deberá ir acompañada dunha certificación do secretario da Federación, co visto e praxe do Presidente, na que se estableza que os traballadores cuxos custes laborais se imputan á subvención son persoal laboral federativo durante o período comprendido polo presente convenio.

9.7. Os documentos xustificativos de gastos e pagamentos deberán de estar datados no período comprendido entre o 1 de xaneiro e o 31 de decembro do 2016, ambas datas incluídas. No referente aos custes laborais, poderase contemplar documentación xustificativa de pagamentos realizados no mes de xaneiro de 2017, pero soamente cando este gasto corresponda a obrigas de custe do ano 2016.

Décima.- Gastos subvencionables

Serán subvencionables os gastos efectuados entre 1 xaneiro de 2016 e o 31 de decembro de 2016 destinados ao pago dos gastos nos que incurra a Federación derivados das actividades realizadas para o funcionamento, mantemento e conservación das instalacións (incluíndo gastos de persoal) do Complexo Náutico e campo de regatas de Verducido-David Ca (Pontevedra).

Décimo primeira .- Prazo de vixencia

A vixencia do presente convenio estenderase dende o día seguinte o da súa sinatura ata o 31 de decembro de 2016, salvo denuncia expresa de calquera das partes. Non obstante esta vixencia, enténdense amparados polo presente convenio todos os gastos referidos dende o día 1 de xaneiro de 2016 ata o 31 de decembro do 2016.

Son causas de resolución do presente convenio:

- 1.- O incumprimento total ou parcial do seu clausulado.
- 2.- A imposibilidade de sobrevenida de cumprir o contido do mesmo por causas non imputables ás partes.
- 3.- O mutuo acordo entre as partes expresado por escrito.

Décimo segunda.- Supostos de reintegro

No caso de que o beneficiario da subvención incumprise o disposto neste convenio, a Secretaría Xeral para o Deporte revogará total ou parcialmente a subvención concedida, logo da audiencia do interesado.

Procederá o reintegro total ou parcial ao beneficiario das cantidades percibidas e as esixencia dos xuros de mora correspondentes, en aplicación do disposto nos artigos 33 e seguintes da Lei 9/2007, do 13 de xuño, de subvencións de Galicia. As sancións en caso de incumprimento das obrigas fixadas ao beneficiario son as previstas nos artigos 59, 60 e 61 da Lei 9/2007, do 13 de xuño, de subvencións de Galicia.

Décimo terceira.- Publicidade e rexistro de axudas.

O beneficiario da axuda coñece e consinte a inclusión do seus datos nos rexistros aos que, en virtude da normativa de publicidade á que está sometido o convenio, deberá dársele publicidade á esta subvención, en concreto, nos rexistros regulados polo Decreto 126/ 2006, do 20 de xullo, polo que se regula o rexistro de Convenios da Xunta de Galicia e o Decreto 132/ 2006, do 27 de xullo, polo que se regulan os rexistros públicos creados nos artigos 44 e 45 da Lei 7/ 2005, do 29 de decembro, de presupostos xerais da Comunidade Autónoma de Galicia.

En proba de conformidade asínase o presente por duplicado no lugar e data arriba indicados.

O Secretario Xeral para o Deporte

José Ramón Lete Lasa

**O Presidente da Federación
Galega de Piragüismo**

José Alfredo Bea García

**Convenio coa Federación Galega de
PIRAGÜISMO**

ANEXO I

ANUALIDADE 2015

PROGRAMA	TOTAL
Gastos Xerais de Funcionamento da Instalación Deportiva de Pontillón do Castro (Verducido)	100.000 €
TOTAL:	100.000 €

ANEXO II
DECLARACIÓN DE OTRAS AXUDAS

Don/Dona _____, con DNI _____
presidente/a da federación galega de _____
con CIF _____ **DECLARO baixo a miña responsabilidade** que, para a mesma finalidade, en relación a outras axudas solicitadas das distintas administracións públicas competentes ou de entidades privadas, tanto aprobadas ou concedidas como as pendentes de resolución:

AXUDAS SOLICITADAS:

- ☐ **NON** se solicitaron outras axudas para a mesma finalidade.
- ☐ **SI** se solicitaron outras axudas para a mesma finalidade.

Entidade/Institución á que se solicitou	Obxecto da axuda	Importe solicitado

AXUDAS CONCEDIDAS:

- ☐ **NON** se recibiron outras axudas para a mesma finalidade.
- ☐ **SI** se recibiron outras axudas para a mesma finalidade.

Entidade/Institución concedente	Obxecto da axuda	Importe concedido

E para que así conste, asino a presente declaración no lugar e data abaixo indicados.

En _____ a _____ d _____ de 2016

Sinatura e Selo da entidade

NOTA: É OBRIGATORIO presentar esta Declaración para a tramitación de cada pago. No caso de que haxa outras axudas para algunha actividade deberá xuntarse ó certificado unha explicación na que conste o custe final da actividade subvencionada e todas as achegas que se recibiron, incluíndo a partida do convenio destinada á mesma.

ANEXO III

DECLARACIÓN DE ESTAR AO CORRENTE DAS OBRIGAS TRIBUTARIAS E DA SEGURIDADE SOCIAL

Don/Don
a _____

presidente/a da Federación Galega de _____

DECLARO BAIXO A MIÑA RESPONSABILIDADE:

Que esta Federación está ao corrente das súas obrigas tributarias e coa Seguridade Social e non ten ningún pagamento pendente coa Administración da Comunidade Autónoma.

O que asino,

En _____ a _____ de _____ de 2016

ANEXO IV

CERTIFICADO DE VERACIDADE

Don/Dona _____

presidente/a da Federación Galega de _____

CERTIFICA:

Que a totalidade da documentación aportada con motivo da xustificación da subvención no ámbito do convenio de colaboración subscrito coa Secretaría Xeral para o Deporte, ano 2016, na data de, é veraz. .

E para que conste, expido o presente certificado,

En _____ a _____ de _____ de 2016

ANEXO V

CUMPRIMENTO NORMAS DE BO GOBERNO

Don/Dona _____

Secretario/a da Federación Galega de _____

CERTIFICA:

O cumprimento das normas de bo goberno federativas subscritas con motivo da resolución do 8 de setembro de 2009 da Secretaría Xeral para o Deporte ou por calquera outra que a modifique ou substitúa .

E para que conste, expido o presente certificado,

En _____ a _____ de _____ de 2016

O Secretario

Visto bo do Presidente

ANEXO VI

CERTIFICACIÓN

Don/Dona _____

Secretario da Federación Galega de _____

CERTIFICA:

Que na páxina web da Federación Galega de _____ existe un apartado denominado “Transparencia” onde consta, polo menos, a seguinte información:

1. Información institucional, organizativa e de planificación

- a.** Funcións: As federacións deportivas galegas son entidades privadas sen ánimo de lucro que, xunto as funcións que lle son propias polo seu ámbito de actuación privada, exercen por delegación funcións públicas delegadas (art. 51.4 da Lei 3/2012, de 2 de abril, do deporte de Galicia). As funcións ás que se deberá dar publicidade son as que se especifican no art. 56 da Lei do Deporte de Galicia, e recollidas tamén nos respectivos Estatutos federativos.
- b.** Normativa aplicable:
- Lei 3/2012, de 2 de abril, do deporte de Galicia, ou norma que a substitúa.
 - Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia, ou norma que a substitúa.
 - Orde do 8 de setembro de 2010 pola que se establecen os criterios para a elaboración de regulamentos e a realización dos procesos electorais nas federacións deportivas galegas, ou norma que a substitúa.
 - Resolución do 8 de setembro de 2009, da secretaría xeral para o Deporte, pola que se ditan as Normas de bo goberno das federacións deportivas de Galicia, ou ou norma que a substitúa.
 - Resto de normativa aplicable ás federacións deportivas que se aprobe, así como a propia de cada entidade (Estatutos, Regulamentos, etc.)
- c.** Estrutura organizativa: Organigrama actualizado que identifique aos responsables dos distintos órganos federativos, así como o perfil e traxectoria profesional (currículo profesional) dos integrantes dos mesmos.

2. Información económica, orzamentaria e estatística

- a.** Relación de contratos subscritos cunha Administración pública con indicación de: obxecto e duración; importe de licitación e adjudicación; procedemento de celebración; no seu caso, instrumentos a través dos cales se publicitou; número de licitadores no procedemento; identidade do adjudicatario; no seu caso, modificacións do contrato, decisións de deseistimento e renuncia dos contratos; e, finalmente, porcentaxe total do contrato sobre o orzamento total da federación.
Se os contratos tiveran unha duración inferior a un ano e os seus importes foran inferiores a 50.000 euros, cando se trate de contratos de obras, ou a 18.000 euros cando se trate doutros contratos, a información poderá cumprimentarse trimestralmente.
- b.** Relación de convenios subscritos cunha Administración Pública, indicándose: partes asinantes, obxecto e duración, modificacións realizadas, partes obrigadas á realización das prestacións e, no seu caso, obrigas económicas convidas.
Neste apartado informarase tamén das subcontratacións que se realicen con mención dos adjudicatarios, procedemento seguido para a adjudicación e importe da mesma.
- c.** Subvencións e axudas concedidas pola entidade ou recibidas dunha Administración pública, con indicación do seu importe, obxectivo ou finalidade, e beneficiarios.
- d.** Orzamentos federativos, con descrición das principais partidas e información actualizada e comprensible sobre o seu estado de execución.
- e.** Contas anuais aprobadas pola Asemblea, informes de auditoría de contas, e informes de fiscalización complementarios que existan.
- f.** Retribucións anuais (soldos e dietas) dos máximos responsables federativos: Presidente/a, Secretario/a, Xerente, Tesoreiro/a, Director/a Técnico/a e demais membros dos órganos da Federación que perciban retribucións. Igualmente, faranse públicas as indemnizacións percibidas, no seu caso, con ocasión do abandono do cargo.

E para que conste, expido o presente certificado,

En _____ a _____ de _____ de 2016

O Secretario

Visto bo do Presidente